

Script of Evening Gojri News Bulletin 19 October 2024 at 1700 Hrs

ایوننگ گو جری نیوز بلیٹن مورخہ 19 اکتوبر 2024

یوہ آکا شوانی جموں ہے عبید الرحمن تے طارق ابرارتیں خبر سنو۔ پہلاں خاص خاص خبر۔

*1۔ کابینہ نے جموں کشمیر غا ریاستی درجہ غی بحالی واسطے قرار داد نانہ منظوری دے دی ہے۔

*2۔ وزیر اعلیٰ عمر عبداللہ نے جموں تے کشمیر دوہاں خطاں غی برابر ترقی نانہ یقینی بنان غو عزم کیو ہے۔

*3۔ لیفٹنٹ گورنر منوج سنہا تے وزیر اعلیٰ عمر عبداللہ نے شوپیاں مانہ بہار غا اک مزدور غی ہلاکت غی مزمت کی ہے تے پولیس نے پونچھ مانہ دہشت گرداں غا اک نیٹ ورک غو پردوفاش کر دتو ہے۔

*4۔ تے کشمیر کل تیں شروع ہون آلی پہلی بین القوامی دوڑ غی میزبانی کرن واسطے تیار ہے۔ جس مانہ 2 ہزار تیں متا اتھلیٹ حصو لے رہیا ہیں۔

خبران غی تفصیل نال پہلاں عبید الرحمن ۔

JK Statehood

جموں کشمیر غی کا بینہ نے اک قرارداد منظور کر غے مرکزی حکومت ور جموں کشمیر غی ریاستی درجہ نانہ بحال کرن ور زور دتو ہے۔ کابینہ اجلاس وزیر اعلیٰ عمر عبداللہ غی صدارت مانہ گذشتہ جمعرات نانہ منعقد ہو و، جس مانہ متفقہ طور ور جموں کشمیر غا ریاستی درجہ نانہ بحال کرن غی قرار داد منظور کی گئی۔ سرکاری رپورٹ غے مطابق کابینہ نے جموں کشمیر غا ریاستی درجہ نانہ بحال کرن غا معاملہ نانہ وزیر اعظم اور مرکزی حکومت سنگ چان واسطے وزیر اعلیٰ نانہ نامزد کیو۔ رپورٹ مانہ یوہ وی کہیو گیو ہے جے جموں کشمیر غی بکھری پشان تے ات غا لوکاں غی آئینی حقوق غو تحفظ نوی منتخب حکومت غی پالیسی غو اہم حصو ہے۔ اک سرکاری ترجمان نے کہیو ہے جے وزیر اعلیٰ آئندہ کجھ تہاڑاں مانہ دہلی جا غے اس معاملہ بارے وزیر اعظم سنگ ملاقات کریں گا۔ کابینہ نے 4 نومبر 2024 نانہ قانون ساز اسمبلی نانہ وی طلب کرن غو فیصلو لیو ہے اور لیفٹنٹ گورنر نانہ بلان اور خطاب کرن غو وی مشورو دتو ہے۔ اک سوشل میڈیا پیغام مانہ وزیر اعلیٰ نے قرار داد غی تصدیق کرتاں واں لکھیو جے دفعہ 370 مجلس قانون ساز غو دائر و اختیار ہے۔ جد کہ ریاستی درجو حکومت غو۔ اس واسطے پہلاں ریاستی درجہ بارے قرار داد آئی ہے۔

CM Jammu

جموں کشمیر غا وزیر اعلیٰ نے وزارت عظمیٰ غو عہدو سنبھالان تیں بعد جموں گو پہلو دورو کر غے ات غا لوکاں غی پریشانیاں نانہ دور کرن غا عزم نانہ ظاہر کیو ہے۔ آکاشوانی غا ضلع نمائندہ جموں انکوش شرما غی رپورٹ غے مطابق عمر عبداللہ نے شیر کشمیر بھون جموں مانہ بولتاں واں لوکاں نانہ یقین دوايو جے ان غا مسئلاں نانہ سن غے ان غو نمیزو کیو جائے گو۔ جموں کشمیر یوٹی غا دوہاں خطاں غی بروبر ترقی یقینی بنان بارے وزیر اعلیٰ عمر عبداللہ نے اس طرح کہیو۔۔۔ بانٹ۔

Speaker Oath

لیفٹنٹ گو رنر منوج سنہا نے نیشنل کانفرنس کا سینئر لیڈر مبارک گل ناہہ جموں کشمیر قانون ساز اسمبلی کا عارضی اسپیکر کے طور پر حلف دیا ہے۔ سرینگر کا عید گاہ انتخابی حلقہ تین وے 6 بار انتخابات جیت چکا ہے۔ آج راج بھون سرینگر مانہہ منعقد ہوئی حلف برداری تقریب کے دوران لیفٹنٹ گو رنر نے جناب مبارک گل ناہہ عارضی اسمبلی اسپیکر کا عہدہ غو حلف دیا ہے۔ اس تقریب کے دوران وزیر اعلیٰ عمر عبداللہ، نائب وزیر اعلیٰ سریندر چودھری سے کابینہ وزراء وچوں سکینہ اتو، جاوید ڈار، جاوید احمد رانا سے سٹیش شرمای وی موجود تھا۔ واضح رہے کہ ایم ایل اے مبارک گل ناہہ جمعہ کے طور نامزد کیو گیو تھو اور آج ان نے اس عہدہ واسطے حلف چایو ہے۔ جناب گل ہن جموں کشمیر اسمبلی انتخابات مانہہ منتخب ہوا تمام ممبران ناہہ حلف دواویں گا۔

Khatana

بی جے پی کا سینئر لیڈر سے راجیہ سبھا کا ممبر انجینئر غلام علی کھٹانہ نے جموں کشمیر کابینہ مانہہ جموں کشمیر ریاستی درجہ غی بحالی بارے قرار داد غی منظوری ناہہ تنقید غو نشانوں بناتاں واں اس ناہہ شہرت واسطے کرن غو الزام لایو ہے۔ اک بیان مانہہ کھٹانہ نے کہیو ہے وزیر اعظم نریندر مودی سے وزیر داخلہ امت شاہ دوہاں نے پارلیمنٹ مانہہ جموں کشمیر کا ریاستی درجہ غی بحالی غی یقینی دہانی پہلاں ہی کرائی تھی۔ اور اس طرح غی حالیہ قرار داد منظور کرن غو مقصد صرف خبر بٹورن غی کوشش ہے۔ انہاں نے عمر عبداللہ پر زور دتو ہے جے وے جموں کشمیر کا لوکاں سنگ کیا گیا وعدہ پورا کرن سے انتظامیہ آئے پاسے دھیان دیں۔

PM Karmayogi

وزیر اعظم نریندر مودی آج نوی دہلی مانہہ کرم یوگی قومی سیکھائی ہفتہ غی شروعات کر رہیا ہیں۔ اس ہفتہ کے دوران ہر کرم یوگی نے یوہ عزم کرنو ہے جے وہ اپنی صلاحیت کا باہدا واسطے 4 گھنٹہ کا سیکھائی پروگرام مانہہ شرکت کرے گو۔ آکاشوانی گا نمائندہ نے خبر دتی ہے کہ اس قومی سیکھائی ہفتہ کے دوران بکھ بکھ وزارتوں، محکمان سے تنظیمان کا افراد اپنی صلاحیت سازی واسطے شرکت کریں گا۔ واضح رہے جے مشن کرم یوگی غی شروعات ستمبر 2020 مانہہ کی گئی تھی۔ جس غو مقصد شہری مرکزیت غی حکومت ناہہ مزید مستحکم سے ڈیجیٹل ماحول فراہم کر کے صلاحیت کا باہدا واسطے کم کرنو ہے۔ اس پروگرام مانہہ شرکت کرن آلا افراد ناہہ کورس مکمل کرنو ضروری ہے اور ”آئی گوٹ“ پلیٹ فارم پر اس کورس ناہہ ویبناں غی صورت مانہہ وی دستیاب رکھیو گیو ہے۔ اس تقریب کے دوران کئی اہم مقررین افراد غی صلاحیت سازی واسطے لیکچر دیں گا۔

یہ خبر تم آکاشوانی جموں تین سن رہیا ہیں خبراں کا باقی حصہ نال طارق ابراہن۔

Kashmir Killing

لیفٹنٹ گو رنر منوج سنہا سے وزیر اعلیٰ عمر عبداللہ نے ضلع شوپیان کے اندر اک غیر مقامی مزدور ناہہ دہشت گردان غی طرفوں ہلاک کرن کا واقعہ غی کڑی مذمت کی ہے۔ اشوک چوہان نامی یوہ مزدور بہار غو رہن آلو تھو اور گذشتہ روز ہلاک کر دتو گیو۔ لیفٹنٹ گو رنر منوج سنہا نے سوشل میڈیا سائٹ ایکس پر اپنا پیغام مانہہ لکھیو ہے کہ پوری قوم

اس مشکل گھڑی مانہہ متاثرہ کُنہہ غا دُکھ مانہہ برابر غی شریک ہے۔ اُنہاں نے کہیو کہ حفاظتی دستہ اس سلسلہ مانہہ موثر کا روانی کر رہیا ہیں اور اس معاملہ مانہہ ملوث دہشت گرداں غی تلاش واسطے فوج پُر عزم ہے۔ لیفٹنٹ گورنر نے مزید کہیو کہ جموں کشمیر پولیس تے ضلع انتظامیہ مانہہ متاثرہ کُنہہ غی ہر طرز ور مدد کرنی چاہیے۔ وزیر اعلیٰ عمر عبداللہ تے دیگر سیاسی پارٹیاں نے وی اس ہلاکت غی سخت مزمت کی ہے۔ وزیر اعلیٰ نے ایکس ور لکھیو ہے کہ جنوبی کشمیر مانہہ دہشت گرداں غی طرفوں اشوک چوہان غی ہلاکت ور اُن مانہہ ڈنگو صدمو پُجیو ہے۔ اور اس طرز گا حملاں غی ہر سطح ور مزمت ہونی چاہیے۔ جموں کشمیر پردیش کانگریس کمیٹی غاصدر طارق حمید قرہا نے وی اس طرز غی ہلاکت غی مزمت کرتاں واں ڈونگا دُکھ غو اظہار کیو ہے۔

Poonch

پولیس نے ضلع پونچھ مانہہ جموں کشمیر غزنوی فورس سنگ جڑیا 2 دوگلا دہشت گرداں مانہہ گرنیڈاں تے ہتھیاراں سمیت گرفتار کیو ہے۔ آکاشوانی غا ضلع نمائندہ پونچھ انوبھو مصری غی رپورٹ غے مطابق پولیس غا ایڈیشنل ڈائریکٹر جنرل آند جین نے پولیس لا نین پونچھ مانہہ میڈیا سنگ گل کرتاں واں کہیو جے دو اہم اوور گراؤنڈ ورکراں غی گرفتاری نال دہشت گرداں غا منصوبہ غو پردوفاش ہوؤ ہے۔ اُنہاں نے مزید گل کرتاں واں اس طرح کہیو۔۔۔ بائٹ۔۔۔

Reasi Bike Rally

ضلع پولیس ریاسی نے قومی پولیس تہاڑا غا تناظر مانہہ قوم تے مُلک غی خاطر اپنی جاناں غی قربانی دین آلا بہادر افسراں تے جواناں مانہہ خراج عقیدت پیش کرن خاطر موٹر سائیکل ریلی غو انعقاد کیو۔ واضح رہ جے 21 اکتوبر مانہہ قومی پولیس تہاڑو منایو جائے۔ ضلع ریاسی تیں آکاشوانی غا نمائندہ دویندر ٹھاکر نے خبر دتی ہے کہ اس موٹر سائیکل ریلی مانہہ سوار افراد تے سبز رنگ غی پٹی بندھی اور ترنگا مانہہ لہرا غے شہید جواناں مانہہ زبردست خراج عقیدت پیش کیو۔ ایڈیشنل ایس پی ریاسی افتخار احمد نے اس ریلی غی قیادت کی اور آکاشوانی غا نمائندہ نال گل بات کرتاں واں اس طرح کہیو۔۔۔

Samba Agriculture

مجموعی ذرعی ترقیا تی پروگرام غا مشن ڈائریکٹر راہل یادو نے اج وجے پور سانہہ مانہہ پہلاں غا پوداں غی نرسری غو دورو لایو۔ اس دوران موصوف نے متعلقہ محکمہ غی کا رکر دگی غو جانزو لایو اور آکاشوانی نال گل بات کرتاں واں اس طرح کہیو۔۔۔ بائٹ۔۔۔

Kashmir Marathan

کل تیں شروع ہون آلی کشمیر بین القوامی میراتھن مانہہ عالمی سطح غا منیا پڑمنیا اتھلیٹاں سمیت 2 ہزار تیں متا اتھلیٹ حصو لے رہیا ہیں۔ ڈائریکٹر سیل سفاح کشمیر راجہ یعقوب فاروق نے کہیو ہے جے اس میراتھن غو مقصد دُنیا مانہہ یوہ دسنو ہے جے وادی مانہہ امن وقانون غی صورتحال بہتر ہو چکی ہے۔ میراتھن مانہہ 13 مُلکاں گا 59 اتھلیٹاں تیں علا وہ جموں کشمیر یوٹی تے 29 ریاستاں غا اتھلیٹ شرکت کریں گا۔ اس میراتھن مانہہ

42 كلو ميٽر مكل مي راتهن ته 21 كلو ميٽر ادهى مي راتهن كا 2 زمران مانه بنڊيو كيو
ٻه

اس غه نال هي خبرا غو يو ه بليٽن ختم هو.